



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

Item de claustro Vvestfaliae, cui Deus expensas pauperibus exhibitas
duplo restituit, cap. 67

urn:nbn:de:hbz:466:1-13177

nerauit. Nā magister Andreas Spirensis per pecunias, quas in curia Frederici Imperatoris, nec nō & in Græcia cōgregauerat, magnū allodiū in Blitirsdorf emit, & nobis in elemosynam dedit. Vnde talis voluntas, nisi à Deo?

CAPVT LXVI.

E Odem tempore domus in Hemmenrode, mater nostra, non minorem charitatem, imò tãto maiorem, quanto ditior fuit, pauperibus exhibuit. Tanta enim fames pauperes premebat, vt mulieres pregnantes ante portam in nemore pariendi tempora implerent. Christus verò non immemor promissi: *Luc. 6.* Date, & dabitur vobis, quia largierant in dando, largam illis misit elemosynam, Gerardus enim Præpositus sancti Simeonis in Treueri moriens, circa ducetas libras argenti illis legauit, ex quibus centum ad portam in vsus pauperum sequestrauit. Portarius centum libras suas recipiens, non ex eis vineas, vel agros, sed totidem maldra siliginis apud Confluentiã comparauit, quibus satis sufficiēter, vsque ad messem, pauperes sustentauit.

CAPVT LXVII.

R Etulit mihi frater Godeschalcus de * Fulmensteine, monachus noster, post eadem cara tempora, Cellerarium quendam ordinis nostri de Westphalia occurrisse sibi; quem cū interrogasset, quò festinaret; respondit ille: Ad concambium, ante messem, ob necessitatem pauperum, pecora nostra occidimus, calices & libros nostros oppignorauimus; modò Dominus misit nobis hominem, qui nobis tantum auri dedit, vt ei quantitas in duplo erogatis respondeat; vnde vado illud cambire pro argento, vt ex eo pignora nostra possim redimere, & greges reparare. Tria hæc exempla dicta sunt contra illos, qui viros claustrales iudicāt de auaritia. APOLLONIVS: Nūc primum intelligo quid sit, Date, & dabitur vobis. *Luc. 6.* CÆSARIUS: Non intelliges perfectè, nisi in futura vita quādo pro terrena substantia, quam pro Christo dimisti, siue pauperibus in illius nomine dedisti, recipies regnum,

* Alias
Vvolms-
steine.

Luc. 6.

regnum, quod paratum est electis ante cōstitutionem mundi. In illa die, filius hominis tibi cum cæteris electis tuum enumerabit datum, & tu eius recipies promissum. Quid enim dicet? Esuriui, & dedisti mihi manducare, & cætera, quæ ibi sequuntur. Viri tamen perfecti cum Domino iudicabunt. APOLLONIUS: Si tanta bona sequuntur eleëmofynā, vā illis, qui in hoc breui tempore sectantur auaritiam. CAESARIUS: Duo illa verba Domini, scilicet, Date, &, Dabitur vobis, reuocant memoriæ meæ rem gestam, his qui hospitalitatem exercent pro exemplo satis necessariam.

CAPVT LXVIII.

*De, Date
& dabi-
tur vobis*

ABbas quidam, vt puto de ordine nigro, sicut ex relatione cuiusdam Abbatis ordinis nostri didici, hospitalis erat valde, & circa pauperes multum misericors. Et quia in operibus misericordie feruens fuit, tales dispensatores domui suæ ordinare studuit, qui non eius feruorem impedirent, sed magis incenderent. Quanto plures hospites suscepit, quanto plus charitatis pauperibus exhibuit, tãto illi & domui eius Dominus amplius benedixit. Post cuius mortem successor eius stimulatus auaritia, pietatis officialibus amotis, & eis quos tenaciores nouerat institutis, ait: Prædecessor meus nimis erat dapnifilis & indiscretus, eius officiales nimis prodigi, sic ordinare debemus expensas monasterij atque temperare, vt si fortè seges nostra grandinata fuerit, & tempora cara emerferint, habeamus vnde pauperibus subueniamus. Huiusmodi verbis auaritiam suam pallians, hospitalitatē profus exclusit, & consueta beneficia pauperibus subtraxit. Charitate subtracta, proficere non potuit monasterij substantia: imò in breui ad tantam deuenerunt paupertatem, vt vix haberent quod fratres manducarent. Die quadam vir quidam venerandæ canicie venit ad portarium, quasiuit hospitium, quem ille quidem clanculò & cum timore collegit, atque hospitalitatis officia, pro posse & tempore, illi exhibens, adiecit: Non te scandalizare debet bone vir, quòd tam negligenter te procuro, quia necessitas in causa est aliquando